

Im Schöneberg isch eus wohl

Text und Musik: Paul Chautems

Interpreten: The AgeTrace / www.agetrace.ch



20-14 hätt de neu Gemeindrat - d'Fusion welle blockiere
Er hätt d'Abschittimmig abgsetzt - das törf doch nöd passiere
E Gmeinds-Initiative isch nötig gsi - de Bürger hätt s'letscht Wort
Ish mit 2/3tel aagno worde - Tunner / Sapperlott

D'Gäger händ versucht - d'Bevölkerig umzschtimme
Flugblätter sind i'd Hüüser cho - die einte sachlich, andri schlimmer
Es isch es hin und här gsii - und meischtens zimmlich hässig
D'Schitimmig isch am Bode gsii - die wenigschte findets lässig

560 Jahr lang - sind mir scho mal bi Wädi gsii
nach 200 und 6 Jahr - isch das jetzt halt verbii

Bim Urnegang, 20-17 - seit s'Volch 'mir sind defür'
Vier uufrächt Bürger hätt's nöd passt - und schaltet jetzt uf stier
Mit de Iisprach isch au klar gsii - d'Fusion die wird verschobe
Bald sind mir i de Ziitig gsi - ganz vorne und wiit obe

Eis Unglück zieht es anders na - ein Gmeindrat wird chrank gschriben
D'Arbet bliibt a dene hange - wo jetzt no sind blibe
D'Iisprache bis vor Bundesgricht - sind alli abglehnt worde
Doch d'Fusion im 20-18i - die isch für eus gschorbe

560 Jahr lang - sind mir scho mal bi Wädi gsii
nach 200 und 6 Jahr - isch das jetzt halt verbii

No mal hättts neui Wahle gää - doch nur für es halbs Jahr
Die meischte sind für d'Fusion - jetzt schiint alles klar
D'uufschiebendi Würkig isch abgsproche - händ chönne vorwärts mache
S'git no vill z'tue, mir wüssed das - mir wärded das scho schaffe

S'hätt lang bruucht bis de Zämeschluss - jetzt äntlich dure isch
ab zwäzig-nünzä isch das Thema - äntlich glii vom Tisch

Jetzt wämmer alli zämeschtaa - und d'Chöpf nöd lampe laa
Bi dä näschte Wahle z'Wädischwil - chönd mir eus au wähle laa

Mir sind und bliibed Schöneberg – nach wie vor es eignigs Dorf
Es isch a eus, sich z'engagiere

- dänn im Schöneberg isch eus wohl.